

# 佛说大如意宝珠轮 牛王守护神咒经

阿谟伽三藏奉诏译



南無本师释迦牟尼佛


## 说明

本简体校正版《佛说大如意宝珠轮牛王守护神咒经》电子书，根据《乐续藏经》第三册，印度撰述密经轨部，阿谟伽三藏奉诏译《佛说大如意宝珠轮牛王守护神咒经》影印本校正。句读仅作参考。

本电子书是免费结缘品。特此说明。

仁慧草堂

二〇一九年七月



扫码关注仁慧草堂微信公众号

## ● 起诵仪

### 香赞

(一遍)

炉香乍爇. 法界蒙熏. 诸佛海会悉遥闻. 随处结祥云. 诚意方殷. 诸佛现全身.

南無香云盖菩萨摩诃萨 (合掌三称)

南無本师释迦牟尼佛 (合掌三称)

### 开经偈

(一遍)

无上甚深微妙法 百千万劫难遭遇  
我今见闻得受持 愿解如来真实义

# 佛说大如意宝珠轮牛王 守护神咒经

阿谟伽三藏奉诏译

如是我闻：一时，佛在波罗捺鹿野园中，为阿若拘邻等五人，转四谛法轮。

时，会中有一天子，名曰牛王神，即从座起，曲躬合掌，顶礼双足，而白佛言：“世尊！我有随心所欲万事满足神咒，及利益诸有情故，唯愿世尊，哀愍听许，我今欲说大神咒。”

尔时，佛咒言：“善哉！速可演说，我欲闻。”

是时，天子即说咒曰：

唵．悉底嚩．悉底嚩<sub>利</sub>．伴惹伴惹．嚩谟．履底伽．补瑟底伽．阿毗遮．阿毗遮．真多摩尼．莎贺

时，薄伽梵闻说神咒，普观一切，为诸有情利益安乐故，而说偈言：

世间诸众生	逼切诸贫苦
虽求资有福	施与诸众生
令得无忧恼	术力胜诸兽
哀愍诸众生	施与诸珍宝
满足诸希求	齐等诸天众

## 福力无等限

时，薄伽仙、毗吉那仙以欢喜信乐心，奉献种种香华灯明，四事供养等，敬礼牛王神珠天，而说偈言：

涂香华鬘及烧香 灯明饮食与钱帛  
奉献牛王神兽天 纳受悦豫增势力  
威德神通遍诸色 成种种色诸财宝  
施与一切众生类 故我供养神兽天

复次，牛王珠天白佛言：“世尊！若有诸善男子、善女人，受持此经者，彼获几所福德聚？”如是说已。

佛告牛王珠：“受持此经典者，从初发心乃至成佛身，所有福德聚，是善男子、善女人福德聚，与彼正等。当如是知，彼善男子、善女人，从如来口生佛心之子。若是善男子、善女人所方所，即为有佛施作佛事。是故，若乐摧破魔军，利乐一切。是故，汝等欲得一切如来真实智惠者，应当一心读诵此经，能速成就一切福德。又于题名，有五种灵验。何等为五？第一，受持人能摧破魔军众。第二，读诵人今世后世得福德无量。第三，书写供养人今世后世得消灭无量亿劫之所犯罪，至阿鼻拔致位。第四，消除一切病苦，寿

命延长。第五，得此宝珠一阙之分，致供养祭读诵恭敬者，生生世世，转诸贫苦报，能令得秘藏无尽果。”

尔时，佛说此神咒经已，一切众会，皆大欢喜，信受奉行。

佛说大如意宝珠牛王守护神咒经

元应二年十一月二十八日以快玄得业本写之竟 金刚资赖心  
此书尾城南真福密寺藏秘本东南院任瑜法亲王相传之古本也

## ● 结诵仪

### 补阙真言

(三遍)

南無喝啰怛那. 哆罗夜耶. 佉啰佉啰. 俱住俱住. 摩啰摩啰. 虎啰. 吽. 贺贺. 苏怛拿. 吽. 泼抹拿. 娑婆诃.

### 补阙圆满真言

(三遍)

唵. 呼嚧呼嚧. 社曳穆契. 莎诃.

### 普回向真言

(三遍)

唵. 娑麼啰. 娑麼啰. 弭麼曩. 萨嚩诃. 摩诃斫迦啰嚩吽.

南無佛 南無法 南無僧 (合掌三称)

南無本师释迦牟尼佛 (合掌三称)

南無观世音菩萨摩诃萨 (合掌三称)

南無护法诸天菩萨 (合掌三称)

## 回向偈

(一遍)

愿以此功德 庄严佛净土  
上报四重恩 下济三途苦  
若有见闻者 悉发菩提心  
尽此一报身 同生极乐国

十方三世一切佛。一切菩萨摩诃萨。摩诃般若波罗蜜

## 三皈依

(一遍)

自皈依佛，当愿众生，体解大道，发无上心。  
自皈依法，当愿众生，深入经藏，智慧如海。  
自皈依僧，当愿众生，统理大众，一切无碍，和南圣众。



此咒置经书中可灭误跨之罪



南无护法韦驮尊天菩萨

